

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (15112023) / (689)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ  
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«15» նոյեմբերի 2023 թ.  
(ամսաթիվը)

Սիսիան-Երևան մայրուղու 7-րդ կմ  
(կազմման վայրը)

Ես՝ ՀՀ պետական եկամուտների կոմիտեի  
Հարավային մաքսատուն-վարչության  
(ստորաբաժանման անվանումը)

ղեկավար Արտաշես Ղամբարյանս, քննելով՝ ԻԻՀ քաղաքացի Ռեզա Վալադ Ղոմիի  
(անձնագիր՝ F53506049, հասցե՝ ԻԻՀ, ք.Ահար)

---

(քննվող անձի անվանումը, կազմակերպարավական տեսակը, ՀՎՀՀ, պետական գրանցման/ընակության հասցեն, փաստացի գործունեության  
հասցեն / քննվող անձի անունը, ազգանունը, անձը հաստատող փաստաթղթի տվյալները)

---

Նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023 թվականի սեպտեմբերի 15-ին ԻԻՀ քաղաքացի Ռեզա Վալադ Ղոմիին իր  
կողմից շահագործվող «VOLVO» մակնիշի, 491CP61/709C01 պետհամարանիշի  
/կցորդով/ բեռնատարով ԻԻՀ-ից մուտք է գործել Մեղրիի մաքսային կետ-բաժին:

ՀՄՎ Մեղրիի մաքսային կետ-բաժնի աշխատակիցների կողմից «VOLVO»  
մակնիշի, 491CP61/709C01 պետհամարանիշի /կցորդով/ բեռնատարի զննության  
արդյունքում բեռնատարի խցիկի կողային պատերի և դրանց քողարկիչների

արանքում հայտնաբերվել է մաքսային հսկողությունից թաքցված 30 բլոկ «PARLEMENT carat» անվանումով ծխախոտ:

Փաստի առթիվ 15.09.2023 թվականին ՀՀ ՊԵԿ ՀՄՎ Մեղրիի մաքսային կետ-բաժնի 2-րդ բաժանմունքի ավագ մաքսային տեսուչի կողմից ԻԻՀ քաղաքացի Ռեզա Վալադ Դոմիի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանք՝ այդ

**ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով»:**

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝

բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի շրջանակներում թաքցված ապրանքների շուկայական արժեքները պարզելու նպատակով 18.09.2023 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԳԱԱ «Փորձաքննությունների ազգային բյուրո» ՊՈԱԿ-ի միջև առկա պայմանագիրը, հանձնարարվել է ՀՀ ԳԱԱ «Փորձաքննությունների ազգային բյուրո» ՊՈԱԿ-ին:

Փորձագետի թիվ 23-0220Պ եզրակացության համաձայն՝ 15.09.2023 թվականի դրությամբ՝ «PARLAMENT carat» անվանումով 30 բլոկ ծխախոտների շուկայական արժեքները կկազմեին 240 000 ՀՀ դրամ:

Հիմք ընդունելով փորձագետի եզրակացությունը՝ վարչական վարույթի շրջանակներում ԻԻՀ քաղաքացի Ռեզա Վալադ Դոմիի կողմից ներմուծված ապրանքների մաքսային արժեքները, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու նպատակով՝ թիվ 952 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 977 մտից համարի տեղեկանքի համաձայն՝ 2023թ սեպտեմբերի 15-ի դրությամբ «PARLAMENT carat» անվանումով 30 բլոկ ծխախոտի մաքսային արժեքները կկազմեին **240 000 ՀՀ դրամ** և վերոնշյալ ապրանքների նկատմամբ ոչ սակագնային կարգավորման միջոցները կիրառելի չեն:

ԻԻՀ քաղաքացի Ռեզա Վալադ Ղոմիին 15.11.2023 թվականի ժամը 09:30-ին նշանակված գործի քննության վերաբերյալ առձեռն ծանուցագիրը հանձնելու փորձ է արվել, սակայն չի հաջողվել:

ԻԻՀ քաղաքացի Ռեզա Վալադ Ղոմիի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը, իսկ ԻԻՀ քաղաքացի Ռեզա Վալադ Ղոմիի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Ռեզա Վալադ Ղոմիի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Ռեզա Վալադ Ղոմիի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Քաղաքացի Ռեզա Վալադ Ղոմիի սահմանահատումների պատմությունը ստանալու նպատակով՝ 15.11.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Ռեզա Վալադ Ղոմին 14.11.2023 թվականին ժամը 10:59-ին Ագարակ պետական սահմանի անցման կետով անցել է ԻԻՀ:

---

(այն հանգամանքների շարադրումը, որոնք բացահայտվել են գործը քննելիս)

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական

իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

**Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:**

Հիմք ընդունելով «Մաքսային կարգավորման մասին» ՀՀ օրենքի 313-րդ, 301-րդ, 332-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածները.

(իրավական ակտի անվանումը, հոդվածը)

## Ո Ր Ո Շ Ե Ց Ի

1. ԻԻՀ քաղաքացի Ռեզա Վալադ Ղոմիին «Մաքսային կարգավորման մասին» ՀՀ օրենքի 313-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **1 000 000 ՀՀ դրամ:**

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)


ՀՀ պետական եկամուտների կոմիտեի Հարավային մաքսատուն-վարչություն  
(ստորաբաժանման անվանումը)

ղեկավար՝

Արտաշես Ղամբարյան

(անուն, ազգանուն)

(ստորագրություն)



Որոշման օրինակը \_\_\_\_\_ հավելվածներով \_\_\_\_\_ էջերի վրա ստացա.

(որակապես կատարած անձի անունը, ազգանունը, հայրանունը կամ տվյալ անձի  
ներկայացուցչի անունը, ազգանունը, հայրանունը և լիազորությունը հաստատող  
փաստաթղթի տվյալները)

(ստորագրություն)

«\_\_» \_\_\_\_\_  
(որոշման օրինակի ստացման ամսաթիվը)

2023թ.

**Ծանոթություն.** Սույն որոշմամբ նշանակված փուլի գումարը ենթակա է վճարման Կենտրոնական գանձապարարանի №900005024055 հաշվեհամարին 30 ծածկագրով:  
Սույն որոշումն անրողջարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:  
Եթե առկա են վերջված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: